

جریدہ علیہ

مشتت مجلہ اسلامیک جریده رسمیه سیدر

۱۵ جمادی الاولی ۱۳۳۸

عدد ۵۳

اون بش کونده بر نشر اولور

بشقی سنه

فتاواى شریفه

نکاح

زیدزوجہسی هندکزوج آخری عمروک زوجہاخراسی زیندن اولان قیزی خدیجہی
زوج ایتک جائز اولورمی الجواب اولور.

*
**

فسخ نکاح

هند صغیرہی ولی اقربی اناسی زینب مہر مثلہ کفوی زیدہ تزویج ایتدکدنصکرہ
هند بالغہ اولوب بعدہ عقد مزبورہ عالمہ اولدینی آندہ نفسی اختیار واشہاد ایدوب خیار
بلوغلہ عقد مزبورى زیدک حضورندہ حاکمہ فسخ ایتدیرمکہ قادره اولورمی الجواب
اولور.

*
**

رضاع

زید زوجہسی هندک رضاعاً قیز قرنداشی زینی تزویج ایدوب هند ایلہ جمع ایتک
جائز اولورمی الجواب اولماز.

*
**

اجرت رضاع

زید اوغلی عمرو صغیری ارضاع ایچون بکرك زوجہ سی ہندی شو قدر غروش استیجار
ایدوب ہندك آلدینی اجرده بکر مجرد سوت بدن حاصل اولدی دیہ اشتراکہ قادر
اولورمی الجواب اولماز .

* *

طلاق

زید عمروہ سنی منزله قورسم عورتم اوچ طلاق بوش اولسون دیدکدن صکرہ زید
منزلده یوغیکن عمرو زیدك اذنسنز زیدك منزلہ کیرسہ مجرد کیرمکلہ زیدك عورتی اوچ
طلاق بوش اولورمی الجواب اولماز .

* *

زید ہندی شو قدر غروش مهر معجل وشوقدر غروش مهر مؤجل تسمیہ سیلہ تزوج
ایدوب بعدہ زید ہندہ نسنہ ویرمدین قبل الدخول والحلوہ ہندی تطلیق ایلسہ ہند تسمیہ
اولتان مهر معجل ومؤجلک نصفلرینی زیددن آلمغہ قادر اولورمی الجواب اولور .

* *

ترکدن ضمان

زید ہندہ نامزد اولدقدہ نشان نامہ بر یوزک اهدا ایدوب بعدہ قبل التزوج یوزک
ہندك یدندہ ضایع اولوب ہند دخی فوت اولسہ زید اول یوزکی ہندك ترکہ وافیہ سندن
تضمینہ قادر اولورمی الجواب اولماز .

* *

حضانہ

ہندزوج مطلق زیددن اولوب ایکی اوچ یاشندہ اولان صغیر اوغلی عمری بحق الحضانہ
تربیہ ایدرکن ہند فاجرہ اولوب اجانب منزللرندہ صغیری یالکز براقغلہ ضیاع احتمالی
غالب اولوب حاضنہ اخراسی اولماسہ زید صغیری رأی حاکمہ ہنددن آلمغہ قادر اولورمی
الجواب اولور .

کتبہ الفقیر الیہ تعالیٰ ابراہیم الحیدری
عفی عنہ